

崑新兩縣續補台志卷十四

好義

趙之驥字叔明號黼卿邑庠增廣生道光己酉大水衢潦數尺嘗跣足募賑作竹枝詞三十首以勸捐咸豐庚申粵逆陷蘇州竄崑山以偽職檄召迫之使出之驥急匿河濱免寇平經理善後事宜鄉堡殷富或從賊中來眾每齟齬科罰巨款不應則罹於法之驥爲昭雪多所獲全里有爭訟輒就而取平焉光緒七年卒年七十七

徐嘉

傳參趙詒翼述略

汪樞字鐵芸新陽縣貢生平生好善嘗於蘇州閶門外江村橋置有巨屋數十間專爲收養難民之所今遺址尙

崑新兩縣續補台志

卷十四

好義

一

在咸豐二年江北迭遭兵疫樞遣司事往掩埋朽腐屬棺木缺乏乃裹以紅氈逾而瘞之夜夢有無數紅衣人科頭跣足直入廳事舉手作慶賀狀不數日南榜揭曉其子克昌獲雋計其發榜之日卽樞得夢之日也人咸謂爲善之報咸豐三年粵匪陷江甯吳中有力之家聞警率避他處士倚課徒爲生者皆無所得食書院復停課膏火不繼樞遂倡舉文會俾不荒其業并厚給獎金以補助其家士咸感之平時勗子弟曰書院之有膏火原以補助無力者汝曹欲作文字儘可在家塾爲之毋奪貧士生計也時洪楊匪勢已蔓延四處蘇地開辦籌餉捐定例凡捐貲若干者得廣學額一名又捐貲若干

者准永廣學額一名榷以子克昌等兄弟三人皆隸新陽學統先後所捐之數擬請永廣新陽學額三名迨榷歿任其事者移所捐併入附郭三縣而不及新陽人嘗憾之榷又工六法著有煙雲過眼錄三卷蜚香閣藏書錄不分卷蜚香閣所藏書畫碑帖錄經亂均散佚

余均字硯青新庠生家素封見義勇爲道光癸酉以來邑連遭大水兩次捐米平糶又四出籌募以惠桑梓邑令王給同里相濟匾生平善舉悉數難終晚好佛常誦金剛經當咸豐辛酉粵匪南竄擾及千墩鎮妻王氏殉難明年官軍克復崑城親率鄉團助剿殺賊積勞成疾同

治壬戌卒年六十三

余樹蓉稿

崑新兩縣續補志

卷十四

好義

二

葉鴻達字儀雲慷慨好施勇於爲善常獨出家資開鑿市河自其家曲折達嚴渡涇長可半里許卽今所稱自己浜者復築橋於上曰玉帶橋鄉里便之年三十八卒姪寶芬字達泉增廣生少負文名庚申之亂積尸遍野寶芬見之惻然思斂雞鳴塘二十里中暴骸一一瘞之遂陷於賊幾罹害逾年逃歸受業師李炳厚知象山武彝時屢書招之不赴光緒丁丑無疾而卒

馬光楣稿

薛義錕字錦章號省三世居安亭富而尙義道光己酉大水出米百石以賑貧困縣令給樂善好施匾以表之年

七十六卒

黃一鳴稿

胡鍾祥字元吉號履齋先世由徽遷崑之蓬閬里世業賈

至鍾祥始習儒粵匪亂後積屍盈河鍾祥見而惻然發藏二百緡召農人埋之每一屍予錢二百罄其金而止

光緒甲申卒年七十

胡蘊先府君行述

徐佩春業農世居安亭鄉性篤謹粵賊至黑夜脫逃幾墮河有流螢照之行得免及平積屍甚眾佩春周巡遍野盡掩之光緒十九年卒年八十二

黃一鳴稿

朱靜初字春泉國子生世居邑之石浦以貿易起家富而好義里中舊有真如觀兵燹後無片瓦靜初因其地輸巨貲倡建文節書院并捐田二頃為多士膏火賞鎮洋王祖畚為文紀之江蘇巡撫藩司學政均給予匾額曰

義士

魏壽祺稿

崑新兩縣續補合志

卷十四

好義

三

楊永字丹芝一字伯頤雞鳴塘人性質美富而尚義家中常蓄石工凡遇有橋梁坍塌毀即往脩之歷數十年如一日每至秋間邨民有缺食者出倉廩以貸之至歲杪還新米不取分毫之息始無子連生三子健尊健高健上人咸謂好義之報云

胡國樑稿

趙慶章字銀濤號漢槎早遭喪亂冠補博士弟子員體弱多病遂棄去取學案語錄功過格潛心體驗參程朱陸王而溝通其說趙氏譜年久失脩慶章留心諮訪累年成天水支譜一帙嘗捐田三百數十畝於義莊為贍族根本戚鄰有告貸靡弗應冬夏衣藥歲施為恆歲杪出米數石置門首分給里中無力度歲者豫晉省奇災告

賑前後捐施不計數而終弗以為名獨不喜二氏僧以募化至者輒不與年三十一卒

趙詒翼述略

湯德號梅村太學生落霞浦人生平慷慨好施凡有善舉自度力所能為者靡不樂從道光十一年就本村中獨力創建石橋一座自隱其名顏曰同善嗣又捐資創設落霞浦義渡並建造涼亭又捐田二十六畝餘以抵渡夫工食歲脩舟房等用契交善堂立案勒石以垂永久至今鄰近居民及行人莫不感德稱便利焉

陸嘉棟稿

群鴻鈺號錦如少習商嫻於持籌營業日興且置田數頃性又慷慨樂善夏施藥餌冬施棉衣數十年無倦容宣統年間公舉冬防董事不辭勞苦地方安謐防費向出崑新兩縣續補合志

卷十四

好義

四

商民捐助往往不給則代為輸納亦不責償自恨少時失學故子若孫咸令就傅平時訓其子弟恆以勤苦為勗卒年六十有二

徐逢辰號杏生文奎孫沈默有幹才佐胞伯寶苻襄縣幕於粵東歷任繁劇多所贊畫光緒中年在籍董理普育堂事務前董辦理不善款項虧絀諸事廢弛逢辰任事後不辭勞怨銳意整頓添號舍擴額米積租籽羨餘購置市房若干所以裕經費興利剔弊幡然更新而逢辰勤廉自矢非惟不支薪水每至堂治事一茗一餐皆出己資至今邑人稱道弗衰嗣因病告退卒年六十一

王直

附傳

殷鍾輝號醞生祖長美父文敏鍾輝性孝友房屋財產悉推讓弟姪分毫不自沾嘗獨置膏腴田千畝建立義莊以贍族屬晚年移居郡城閱數月輒返省墓夏日建造宗祠督役烈日中弗稍懈生平捐助各省荒賑及里中善舉尤不可勝計年六十二卒

星溪志稿

吳鍾麟字趾美世居歇馬橋鎮父顯達務農有隱德鍾麟少好學領光緒乙亥恩科鄉薦品端行飭教授里中門多知名士嘗設淞南文社請於邑大夫金吳瀾撥給公產爲膏火資復憇思里人朱靜初捐田二頃創建文節書院其嘉惠士類如此歇馬橋及項連涇葛家巷等河港亦鍾麟籌資開浚焉以舉人選興化縣教諭未至任而卒

崑新兩縣續補合志

卷十四

好義附傳

五

支達號少庵字穎夫世居張浦父南金邑庠生字鎔庵達聰穎力學工山水尤喜岐黃術家言弱冠補博士弟子餼上庠中光緒乙亥舉人已丑大挑二等以教職用屢困春官遂絕志進取家居授徒一時名流多出其門嘗經理里中廣澤善堂事悉心經畫百廢俱舉光緒十五年大水淹秋禾邑令龔世潼至鄉勘荒鄉民逼於飢餓幾釀巨禍達引咎自責爲民乞哀卒化無事張浦鎮之南環橋年久傾圮爲之募金新之如增設文社振興義塾其利人濟世之類不一而足初選海門縣教諭不果

到任繼授蕭縣訓導未及到任而卒年五十六子世綬  
世纘世紳俱邑庠生錢葉瑋稿

朱清嘉字增福號宜卿諸生宮煒子生三歲宮煒死粵寇  
九歲母李氏病歿能刻苦自勵事祖父以孝聞性爽直  
好施與雖典質不吝焉光緒二十六年卒年四十朱祖華稿

朱清貴宮杏子號紫來諸生居鄉授徒好談忠孝節義事  
聽者感化中年妻亡不再娶時有淫奔者力拒之時有  
魯男子之稱卒年五十三朱祖華稿

補遺

明

葉秀實崑山人文莊公五世祖也元之末世方谷珍亂海

崑新兩縣續補合志

卷十四

好義補遺

六

上小人乘時相延而起崑山福嚴寺僧有提點與其徒  
昌都寺等亦聚無賴殺人如麻大肆焚劫有司不知所  
為賊勢漸張禍且及秀實秀實憤曰鼠輩敢爾不剪除  
之又一谷珍也陰募勇敢士若干人經略已定乃以賊  
焚劫之跡繪為圖上之當路率眾掩捕盡得之無一脫  
者官為窮詰皆伏辜而有提點實先庾死秀實聞之曰  
佛法重閣維戲作舉火文以著其惡鄉里稱快

顧鑑字仲明號默庵家世太倉至鑑始家崑邑之千墩里  
售文正裔孫范氏舊宅以居及其田數頃范存低窪百  
畝賦不支鑑曰吾不可以荒產累范氏受而并肩其稅  
歲禮例免田租之半有司別贈災糧若干鑑曰瘠人以

照已我不願也勢家大室利以稔爲災冀免常稅鑑曰  
徇私以欺公我不爲也姊嫁于張失所母意憐之卽迎  
養以安親志昆季數人有貧乏者歲支給罔缺建祠於  
家以奉祐主設塾於鄉以誨里子弟爲食於路以待鄉  
之餓者積源而流規模宏遠矣年八十二卒子濟見前

志列傳 崧南志

周文達字存道號曲塘由諸生入太學官金華府經歷府  
有疑獄常檄文達參治之乃微服行廉得其實獄立剖  
閒承憲檄往來屬邑持法廩廩所至帖服臺御史亦心  
慊焉有公慎之褒而文達家素封奔走勢途終非所習  
旋卽歸里曲塘之宅在嚴家浜高閎大第望之若雲積

崧新兩縣續補志

卷十四

好義補遺

七

米萬石廣場列困紛若碁布閒以所蓄分給三族之貧  
乏者人咸德之兄齧字存厚號北樓亦庠生 崧南志

馬經字大文甫里人父景字孟舒梗直好義年八十卒經  
讀書通地理陰陽家言正德十二年學使江右張公下  
令毀淫祀經同其弟綸紳緯綯撤祠之無名者取其材  
葺甫里先生祠并置田若干畝以供祀事士風民俗爲  
之一變恆與太常方鵬兄弟遊正德十六年卒年六十

四 甫里志參  
馬氏譜

孟椿字永年號西園又自稱拙翁家張浦里以勤儉起家  
富而好義歲大禋邑大夫以公廩告竭禮勸有力者發  
私藏以佐公椿聞命慨然出粟以濟困乏全活不可勝

算舉爲萬石長垂三十年守義急公上信而下安之巡撫李公充嗣奉詔治水開濬白茆吳淞以利蓄洩命椿董其事具見方略事竣旌以禮幣晚年例授承事郎謝絕世故築別業於所居之西日徜徉其中卒年六十有九配凌子祥方太常鵬誌其墓

淞南志

國朝

陳頤字世賢性豪好施多膂力嘗出商遇盜能手刃之保其貲歸築甫里塘北至吳淞江一帶石梁

甫里志

崑新兩縣續補合志

卷十四

好義補遺

八

闡改入太學篤脩本行治於閭門及於閭里三黨戚屬月給稟既以資衣食一長可錄咸令治事毋俾失所生而養死而葬行所固然初無德色鄉先達稱之曰篤實君子

淞南志

朱青字淇竹邑諸生力請巡撫韓世琦開浚注浦幾二十里水利甚溥民多賴之

甫里志

吳孫禾字蔭三師事徐與喬康熙間巡撫湯斌疏毀上方山淫祠邑有南北二祠皆地方紳僕豪猾主之孫禾具呈縣令杭允佳一夕與同志十餘人登山巔之北廟取神像投之火合邑大驚諸無賴羣謀燒孫禾家召丐者百人擒孫禾欲謀害孫禾聞入郡訴巡撫因復疏請檄



府縣盡毀之撤廟材爲演武署孫禾乃得免與喬嘗爲詩贈之敘其事甚悉

崑山詩存

余純錫字魯眉起霞從子年十二應邑試及冠補諸生食餼吳下風俗有貧不能葬久淹親柩者貧士尤多純錫嘗約同志議減衣食之費爲葬親義會家貧授徒自給門下士多知名者

崑山詩存

沈維城字爲宗崑山籍元和人誠慤自守助田於甫里同仁堂及海藏惜字會并棄產以助正陽橋工年七十樂善不倦里人稱之

甫里志

陳開震字東發一字青溪孝子夏兄太學生工文多藝尤精地理之學康熙丁亥戊子閒歲饑開震兄弟首捐粟

崑新兩縣續補合志

卷十四

好義補遺

九

米煮糜救飢全活甚眾雍正閒清釐錢糧積欠弟開霖已納糧爲吏所乾沒應再納開霖以訟于官則吏當死責之弟則力不支乃傾囊爲之代償年七十卒

許氏志稿

潘涵士字毓才號純齋太學生父隆祖字伯欽能文早世涵士撫庶弟三人友愛逾恆女兄亦三人貧不能自給悉迎歸養之有女兄之夫謁選入都客死京邸涵士歸其櫬而葬之嘗至光福夜聞哭聲甚哀亟起伺之知兩婦並喪夫裸尸無以殮因相向哭達旦傾囊助之同里某死浹日無棺事急不及治立以已豫制之棺贈之平生行事類皆如此

許志稿

諸秉升字進南號退思新庠生明禮部主事贈尙寶司丞

壽賢八世孫兄秉源暨顧思約等創立永安局施樁掩  
骼爲邑中諸善舉倡秉升之力居多嘗輯邑前輩遺詩  
自梁逸歸莊至王飛藻朱兆麟十五人所作爲玉山風

雅一卷

崑山詩存

陳兆康字範九少負俊才有經世略喜施予所居葉涇之  
右垌坵港口爲東西通衢前明嘉靖間有石樑歲久圯  
壞兆康謀於仲兄稼豐合貲重建之里人創廣澤堂於  
注浦之陰收瘞暴露骸櫬獨首捐重金助其役其他善  
舉有裨地方者莫不率先趨赴晚自號樸園放情山水  
詠詩以終嘉慶己卯卒年六十三子雲彩字梅堂能承  
父志癸未大水蠲米百餘石以卹饑民

吳映奎墓志銘

崑新兩縣續補合志

卷十四

好義補遺

十

徐鑑司吳江體善堂會計事道光癸未大水流棺以萬計  
鑑與堂之同志收瘞焉吳江風俗囂競有卜葬者羣不  
逞攘臂阻撓之積習已久官置不問非有大勢力者不  
敢問葬地積棺腐敗白骨滿野鑑憤且慨偕同志者籲  
陳於撫軍張師誠乃檄有司懲治奸徒鑑得藉眾力於  
旬日間葬九百四十餘棺常熟張爾旦爲作松陵吟四  
篇以諷世之好義者

王德森稿

藝術

戴文龍字伯和崑山附貢生居大直村後遷甫里性孤僻  
遇稠人廣坐輒默默避去或竟日不發一語喜繪事最  
工花鳥嘗遊京師居公卿間不卑不抗畫名由是藉甚

因以畫自給無求於人凡數十年片紙尺幅爲世珍重  
光緒丙申南歸卒年六十有三

吳郁生墓志

戴文麟字振齋號詠趾甫里人少孤事母有至性善寫小幅花鳥爲陳邁雲入室弟子與同里戴文龍齊名富家以重金求畫者輒謝勿與日畫可以金易雖神妙不貴矣爲人淵雅靜穆晚年多病倦於筆墨寸縑尺素人爭

寶之

朱灝稿

閔思啟字迪甫父籍精傷科年老思啟尙幼以授其姊思啟得姊之傳能盡其技慷慨尙義食客常數十人座爲之滿歲獲萬金入手輒盡無難色光緒甲申青浦金澤鎮風災屋宇坍塌無數居民受災斷肢破腹者以百計

崑新兩縣續補志

卷十四

藝術

十一

青邑令廷思啟醫治咸應手愈令欲厚酬之思啟以被害慘酷卻不受鄉民至今猶稱道之晚年遷居蘇垣年六十四卒子鍾杰字萬青能繼父業卒年三十六

顧國珍稿

馬之伯字逸溪世居井亭港爲人和易能容物里中咸以長者稱之性慷慨有經濟才里閭戚黨周恤備至有排難解紛請者無不各如其意以去同治末開濬吳淞江工頗鉅之伯與焉獎勤懲怠甘苦與挑夫共暴風烈日無少閒首先告竣上官嘉之凡有益於鄉有便於民者輒解囊爲里人先生平最重道德嘗誡子弟及里中少年曰損人利己我不爲也願與汝輩共勉之尤關心家國晚年見政綱替凌嘗撫膺歎曰天下事不可爲矣憂

國熱誠常流露於言表閒治方書戚友輩踵門求醫者  
輒效兼善數術製有風車轉動如意著居易堂算草二

卷未刊卒年八十

陸文  
明稿

趙曾煒字朗如工寫真嘗繪星溪九老圖無一不肖九老  
者朱廷士年八十四趙之驥年七十七陳裕基年七十  
五錢浩田鄭克明年七十四馬明德陳念年七十三王  
鳳占年七十二殷志敏年七十一題曰蟻慕香山太史

朱成熙為之序

馬光  
楣稿

孫錚字寄雲棗溪人精醫術與重古何鴻舫為莫逆交遇  
疑難證輒以書札相討論赭亂後邑中都置冊籍遺佚  
殆盡同治某年開辦清丈錚主東鄉清丈局日履田隴

崑新兩縣續補志

卷十四

藝術

三

督率丈生不倦由是經界復正性好吟咏著有夢淞軒

詩稿未刊卒年七十

孫炯  
稿

劉克家字養泉性高逸善隸古工鑄石與席元禧善

馬光  
楣稿

王世美字濟堂世居南星瀆鎮為落霞浜陳椿年壻椿年

精於醫世美從之學盡得其術為人治傷寒切脈施藥

能應手奏效性誠懇嘗謂其子曰吾一日診十病則心

常搖搖縣十處視時醫日處數十方事過輒忘者異矣

然因是遂病怔忡夜不能寐晚年尤甚七十三卒子福

基能世其業大達習商大達福範俱邑庠生

王鼎  
稿

孫飛熊號子漁安亭鎮人崑山廩生性靜穆少年與青浦

李元善同塾讀書刻苦勵學尤精醫理光緒庚寅秋遊

京都旋就河南學使邵松年聘襄校試文抱病歸歿於途次年三十餘

彭龍蟠字仕伸號已生歲貢生幼有文名弱冠游庠為孝廉王仁立入室弟子父卒母老家貧授徒藉館穀以供菽水性瀟灑風義凜然人咸嚴憚之工書宗歐顏年五十九卒子鳳齋字韻梧幼即能文工書十四歲補諸生年十七卒鳳齋聰慧如兄亦十七歲卒

彭龍文稿

李同春字伯和新庠生好學善吟咏兼工篆刻為王所寶高足弟子所著有草亭吟草及家訓

朱紹成序

醉仙樓印譜

朱成卒年六十子星楷字啟明新庠生亦工篆刻卒年

六十一

唐貞廉稿

崑新兩縣續補志

卷十四

藝術

三

夏瑚字仲玉號韞山明太常景十一世孫恩貢生善書尤工畫山水得其舅氏龔成玉昆季衣鉢為王學浩再傳弟子設色樸高房山渲染入妙處書學吳興渾厚秀逸題詠亦與畫筆相稱名噪吳中歿後同邑珍藏家寸縑尺幅咸寶貴之卒年五十六

朱文標王直湘兩稿

陳文浩字仲庵陳墓人工音律善圍棋尤長繪事以體質羸弱攻岐黃術藉以自醫體日強固多幹濟才嘗經理里中崇善堂綜掩埋代葬保嬰恤嫠義塾義渡諸事規畫井然先後添置良田二頃餘推廣善舉若施棉衣及代賒等尤嘖嘖人閒會濬河督役工作旦夕不倦五閱月竣遂以積勞成疾卒子定勳字卓民慷慨好施一如

父云

陳氏家譜

柴復俊字幹卿崑庠生慷慨好施樂善不倦兼精岐黃人有疾病雖嚴寒酷暑有邀必往不取人資崑邑令張公

潛特給匾題曰為善最樂

陳文藻稿

朱鈺號琴香世居崑城後遷石墩村精岐黃術鄭氏名醫之門生也品學兼優三上北闈不售絕意進取善書法工吟咏與莊葭渡訂文字交茲於彭氏覓得詩稿三首

亦吉光片羽云

李世琛稿

朱宮杏號第花附貢生性瀟灑好施與工詩善書其書千字文一卷為尤絕又精篆隸鐫印擅繪事光緒六年卒

年五十六

朱祖華稿

崑新兩縣續補合志

卷十四

藝術

十四

彭維銓號頌貧旌忠義維鏞弟善書法專攻唐碑四十年寒暑無間小則蠅頭大則匾額咸超偉絕俗無煙火氣性高介不苟取喜讀史漢工吟咏與王昭朱昌穀交善

年近七十卒

彭龍文稿

吳玉書號鉅峯世居尚明澱崑諸生書法出入晉唐為賞鑑家所稱天資瀟灑人咸以名士目之詩文著述遺粵亂宅毀無一存者子雲圃增廣生與張成幹孝廉訂詩交往來唱和不絕年七十餘卒

彭龍文稿

補遺

宋

辭辛字將仕號古愚佚其名得外家鄭氏帶下醫方傳錢

氏錢復傳于鄭鄭世世業焉至今村民與鄰封之人皆呼鄭氏為辭醫產家鄭文康有辭將仕祠堂記其墓在一枝園旁板橋巷側張浦遺聞以將仕為才女蘭芳蕙芳之父恐不足据

潘氏朱志補

元

謝庭芝字仲和號雪村平江崑山人善墨竹見圖繪寶鑑張大復有跋朗公摹刻謝雪村墨竹云吳興畫史有謝仲和平江崑山人而志軼其傳心竊怪之此圖故朗公得之倪伯遠所藏蓋僉憲沈文敏以貽張秋官敬之者太常夏仲昭甚加賞玩題其左有筆法曾聞謝雪村之句

崑新兩縣續補合志

卷十四

藝術補遺

五

按庭芝任陽人當時任陽屬崑山故也同時有謝伯城者亦任陽人畫法超逸得董北苑之傳楊廉夫嘗

題其瀑布圖

潘道根誌

譚友文字士元精陰陽家術仕至朝散大夫判太史局居

官以廉謹稱

潘氏朱志補

李箕橋字仲和號雪邨善墨竹

圖繪寶鑑

朱璟字荆石工山水得元四家之法

王慶祉稿

任子明號月山仕元以興水利督海道糧餉有功而多才

藝與趙松雪李蘄邱遊其畫馬得曹霸韓幹之妙子良

玉孫女桂適夏太常景子明官浙東道宣慰副使

潘氏朱志

補

鄭公顯節介自勵潛隱不仕始傳外家辭將仕醫術日檢  
方書濟人著有惠民方三卷鄭氏譜

明

朱亮字伯亮復姓夏善寫山水不厭人之求能別識古器  
物及畫格之高下藉行商以給衣食嘗泛舟江湖間自  
號商潛晚年置田淞南築室婁江之上又號婁東散人

潘氏朱志補

孫延年有學行以善奕名東吳見蔣志潘氏朱志補

周元素洪武時人妙於畫有蒼頭阿留愚騃無比然能為

元素傅色元素取其長用之終身潘氏朱志補

石璞字元素號蕉庵翛然不樂仕進居大溟浦東清溪茂

崑新兩縣續補合志 卷十四 藝術補遺 六

樹映帶茅屋課子孫耕植其間以自老晚年多畫山水

筆致閒放書法蔡君謨尤善吟咏所著多關民風裨世

教卒年八十有八崑山人物傳葉志稿

姚清隱佚其名為人冲懷善謔性不識權量角巾方袍其

步徐徐畫人物不減周昉子厚德恂恂自持能世其業

清隱生厚德時年已五十餘厚德年三十清隱始卒張

大復題其遺像謂有先民之思焉潘氏朱志補

張環善畫筆力道細有宋元人風概其品故在妙能間潘氏

朱志補

顧叔懷字二懷自邑徙居甫里性孝友優儒行精醫術類

許白雲之流甫里志



國朝

錢錫畹字宜村武肅後裔家陶橋里世傳幼科至錫畹益精其學四方就醫者率襁負而至舟鱗集江干所治罔弗奏功為人誠慤不欺衣冠古樸里人咸敬畏焉子涵字梅村存心廣濟能嗣其業年八十為鄉飲賓孫安字範如金山衛庠生以儒通醫世其學不廢

淞南志

徐廷芳字久能號惺齋國初補諸生居黃潭里性高曠工

詩善琴與奚濤善濤有過久能寓聽琴詩

潘氏朱志補

王元慧字無頴善畫竹

李良年墨竹册記

許士翀字文長號韶舉性嗜酒中年喪偶遂不復娶繩牀經卷以禪誦為事山水仿荆浩關仝詩冲談類魏野臨

崑新兩縣續補合志 卷十四 藝術補遺 七

卒自知時至題詩投筆而暝

潘氏朱志補

顧鶴字元放父孝宏司訓泰順少日嘗隸禮曹儒士籍希古冲遠不樂仕進隱居浦上以筆墨自娛詩情閒淡力追晉宋書法道勁直逼柳褚以其餘力摩畫山水墨瀋點染煙雲尺幅得其片紙咸珍護之蓋重高人筆也

淞南志

沈能一字柳丸明松陵簿誠之後賦性高潔精律呂之學自梁伯龍後審音始細能一盆辨其微按譜吹律宮商得所居一室左右琴書紙帳竹牀丹爐茗椀羅列楚楚良日出游則集茶具食器為一囊意有所得藉草為茵進苦茗三甌吹短笛數聲有與天為徒之想工製樂管

累月斯成形巧音正名擅一時志 淞南

沈斐字成章工人物花鳥潘氏朱志補

任莊字敬先家淞南浦上工畫善書曉音律偉貌脩髯伉爽拔俗生平慕歸高士之為人故自名為莊作孽窠書假其款識以示歸歸亦稱善客廣陵月夜登二十四橋吹洞簫廣陵之人傾耳焉晚歲寫生花鳥恣態益妍年八十以壽終志 淞南

邵烱字瞻在家吳橋善寫花鳥研丹點翠鮮豔奪生至山左曲阜與衍聖孔公善遂家焉長不滿六尺而勝概軼羣公私宴飲歷晝夜無醉色亦無惰容往來輦下諸公卿家凜凜以禮自持聖公益高其品隸奎文閣典籍孔

崑新兩縣續補合志 卷十四 藝術補遺 末

公墨蘭妙天下烱摹得其神以示公公亦許其神似有乞畫者即署款與之終於曲阜年七十一無子女一適聖裔孔毓洙以鄉貢官溧水令志 淞南

陸漢標字天御工篆刻得漢人筆意見印人傳潘氏朱志補

宋廷字紹康工人物得宋元筆意王慶社家藏有絹本麻姑仙小幅設色邁俗絕似仇英王慶社稿

朱鶴年字羽蒼號南村少孤力學工詩善書詩祖宋音旨澹而致遠書法秀勁尤酷似華亭一時清賞家爭乞其書鏤以董銜為聯為扁為卷為軸懸諸高堂素壁識者莫辨挾其技北之燕山南之嶺嶠出入僚幕上下奏牘咸藉其手以為重金陵曹司空寅愛其書欲招致門下

以親老辭偕其室馮歸隱淞南之度城硯耕以養親所  
著有敬畏堂詩稿尺牘雜述三十卷募梓行世淞南志

何方琬字倬雲一字竹筠號懷谷家淞南少有才名年三  
十始補諸生好寫墨梅旁及星家五行之術尤喜詞曲

有西廂題文一卷嫁名唐寅至今流傳崑山詩存

呂啟哲字厚穎崑山諸生嗜酒酣後寫人物得天趣善書

歷代畫史彙傳

朱之瓚字秬一崑諸生師馬良畫竹歷代畫史彙傳

周法字庭堅號雲村居真義工書畫書學歐陽率更畫以

奚濤徐晟雅為師著有潛蝸詩集星溪志稿

施治中世居菴葭濱精堪輿術畢家墳其手定也後因畢

崑新兩縣續補合志 卷十四 藝術補遺 九

氏顯貴名重一時善奕工詩一生持重無過時人目之

為古先生年七十餘端坐而逝異香繞室諸世器菴溪志稿

唐洪緒字襄周號梧岡大父德宜父瑩副貢生官至九江

府同知左遷湖北歸州知州洪緒少有才名善畫花鳥

入成均乾隆庚辰 恩科順天舉人任山東滕縣知縣

崑山詩存

張廷瑩字廣和號少安崑山附監生僑居青浦金澤鎮工

楷法旁及印章繪畫湖南巡撫姜晟禮部尚書金士松

並延入幕歿後兵備胡齊崑為撰墓誌崑山詩存

陸家振字渭英幼孤刻苦自奮山水有倪黃筆意金山縣志

倪泰符猿臂善射工劍術其故居即西油坊之址古稱為

倪家場里中少年多師事之得其餘技遂以名家倪本無耦一日有金陵叟攜一女來亦以術自炫且曰能敵我者當以女妻之少年爭前叟不動命女揮之俱仆倪亦求試壹志凝神若逢大敵女信手應意甚暇倪恃大力以手按女頂覆地以膝夾之曰若更有伎倆乎語未畢女瞥轉以雙趺踢其頰皮盡脫略示痛楚倪遽走汗淫淫漬於頰叟笑曰幾傷我快婿眾大笑拉一鄰為媒遂合昏焉女事夫甚謹翁婿相與講藝為樂以終其身

諸世器菜  
溪志稿

沈鎬字于岡號西麓善書名與汪捷高鈺埒而蒼秀過之終於諸生詩稿散佚子濤亦能詩鈺字佩旃號蓓雲自

崑新兩縣續補志

卷十四

藝術補遺

三

號西溪散人布衣以行楷擅名

崑山詩存

張臯字鳴九號鶴莊常居郡中精鑒別雅善摹仿各家山水脫手輒為賈者持去均得善價於人物尤擅畫佛像嘗作無量壽佛一幀頗極莊嚴華妙之觀

墨林今話

俞鈺字仲堅號卓亭山水得孔繼泰筆法

墨香居畫識

葛唐字西槎工書法善篆刻畫學惲南田王忘庵兩家筆意疎老設色明豔一代能手也

再續印人傳

錢熙字暉如號巽峰工山水善分書

歷代畫史彙傳

顧錦疇字約齋僑居洞庭莫釐峰下性嗜酒畫無不能尤善臨撫古蹟而流播絕少人罕知之仲子春福號夢薌為改七薌高弟少即有名於時寶其尊人遺墨弗輕示

人有山水一冊徧做各家不施赭黛墨采飛越七薊題  
其後云約齋是冊學古入化直造宋元人室董琴涵觀  
察題云心畫心聲妙莫思一家風雅有餘師居然接迹  
停雲館但可南宮得虎兒墨林今話

嚴國華字敏來號筠軒少有文名補諸生食餼納貲為中  
書科中書乾隆己亥應京兆試登賢書乙巳江左旱荒  
撫軍令紳戶捐輸國華出重貲為諸紳倡得奏議敘光  
錄寺署正銜再上春官不售退而往來於鸞脰西子諸  
湖閒與騷人逸士詩歌相往還好篆刻家藏文山橋顧  
云美玉石印以百數暇輒追摹筆力遒勁求者踵門慮  
無佳石當國華意得其鑄章者視猶拱璧嘉慶三年卒

崑新兩縣續補志 卷十四 藝術補遺 三

年五十九 周兆基墓誌銘

夏大易太常景裔善寫竹子廷香能承其學 圖畫寶鑑續纂

潘亮采字受敷號雲客世居甫里年十五父歿家中落為  
餬口計初學寫真妙於形似繼習山水蒼潤古雅卓然  
名家書法亦能深入歐柳堂奧閒作韻語秀逸有致挾  
技游四方所得潤資以市甘旨奉母焉 甫里志稿

潘燕字右峩崑山縣學生性好儉約有潔癖終身不衣裘  
服精於奕客至輒舉二指作勢曰意在斯乎局竟勝負  
皆一笑置之又精六壬數言人休咎多奇中年七十六  
卒其後族人有一攸之字通夫亦縣學生精卜筮之學 許志稿

呂璜字渭占號耘陶寄跡吳門善人物山水墨香居畫識

朱漁洋居真義瀆涇港善山水王慶祉稿

侯文炯又名安號靜山嘉道閒人工書法兼善寫竹石余鴻

鈞稿

徐大棻字愷仲號香巖精鑒賞善山水筆極蒼秀學文五峰亦閒參耕煙墨井法好仙山縹緲之境雲松稠疊樓觀幽深非匝月不能竟一幅也其麤疎之筆亦蒼渾得

元人意自謂遠遜王學浩故不肯多作嘉慶閒與學浩

輩創建敦善堂及義塾晚而奉佛自號佛度更生詩存小傳

參墨林今話

顧惺字日瞿號述民又號滌庵原名錦新陽廩貢生由黃

嘉新兩縣續補台志 卷十四 藝術補遺 三

泥田邨遷甫里工詩文書法尤超絕精醫術時稱神手

天資瀟灑庭植花木甚多春秋佳日賓客過從座無虛

日年七十六卒著有滌庵詩鈔四卷子鳳蓀字伯威號

桐君自幼聰慧長承家學能起奇疾人咸稱顧天士云

朱顥稿

朱文曾字振華號斐堂省曾弟少補崑庠生嘗授經郡中

善畫山水小幅仿嘉定李長蘅喜飲酒並解音律詩品

夷猶澹遠味在酸醎之外生平不喜存稿所錄多中歲

作崑山詩存

錢治謙字書福號鐵華新庠增生居真義之雅涇父鑄治

謙少從舉人顧昫學淹貫羣書工詩歌駢體文尤精漢

隸及鐘鼎古篆晚年家中落就館里門課徒自給閒刻竹石小品工巧絕倫人皆珍玩之著述散佚僅存煙蘿館吟草魚腹偶編未刊

星溪志稿

徐南復字休仲號雪厂父逸谷自郡遷甫里幼習醫師事雲閒李士材盡得其術好篆籀及古文詞水墨花鳥得趙宦光之秘年未四十喪其偶不再娶著道德經約義年九十八作自祭文未幾卒有匏繫集春游雜草耐寒

吟稿凡數十卷

崑山詩存

陸炳道初名文虎字炳如號雲臺明陝西副使冕裔孫父逢甲亦諸生炳道善畫山水竹石小幅工行草書家貧落拓不拘小節僑居郡之唯亭授徒自給補新庠生早

崑新兩縣續補合志

卷十四

藝術補遺

三

卒嘗自誦其詠蘆筆詩有秋來無夢亦生花之句惜全

首不傳

崑山詩存

郎祚昌字耀全號藥亭際昌從弟山水傲石田尤長花果

翎毛雋異似出夙慧早卒

墨香居畫識

楊開雲居張浦鎮花卉人物悉臻工妙

王慶祉稿

尹小霞善繪士女幽逸入神

王慶祉稿

王晉性高潔善畫不輕與人嘗為薛雪作煉丹圖筆致清

逸頗得六如真趣

耕硯田齋筆記

朱萬震字聲雷號春谷新庠生居真義少游孝廉王學浩之門學浩善畫山水萬震於舉業之餘兼而習之頗得神似與龔成章畫名相埒年四十一以察疾卒

星溪志稿

夏旭字小谷翬子寫墨竹得父之傳

馬光楣稿

王朝立字卓人號少莽所寶子諸生善鐵筆書學鄭板橋  
得其神似詩宗香山有橫秋閣詩稿續橫秋閣印譜七  
試南闈薦而不售邑令王省三器之後省三宰江陰延  
為幕賓專司筆札為人瀟灑有風人之致卒年五十七  
同時有金鰲字介眉諸生少從王所寶游善鐵筆工楷  
書宗率更為人謹飭嘗服膺朱柏廬晨起輒誦治家格  
言一過終身不輟年五十餘卒

夏德全稿

崑新兩縣續補合志

卷十四

藝術補遺

十四

曙川亦以墨菜名年未四十卒

錢葉珪稿

崑新兩縣續補合志卷十四